

# rota dos miradoiros



## [A Insua]

Preto deste lugar, pola estrada que conduce o cemiterio, podemos contemplar a **Ensenada de Baleeira**. Este lugar, coma o seu nome indica, tivo que estar relacionado no pasado coa caza da balea, mamífero mariño que abundaba por estas costas.

Debaixo do cemiterio está a "**Praia dos Cristais**", así denominada recentemente porque nela pódese observar unha gran cantidade de cristais pulidos polo mar e procedentes dun antigo vertedoiro. A tenacidade do mar e as súas ondas foron depositándoos ano tras ano aquí.

Esta cala era coñecida antano como o Areal dos Botiños, como referencia a existencia de gran cantidade deste tipo de cetáceos preto da costa.

A dereita deste areal e seguindo recto por un sendeiro que vai ó carón do mar podemos atoparnos coa **Pedra dos Namorados** e a **Furna da Escuma**. Antano a Pedra dos Namorados foi un niño de amorosos encontros que quedaron gravados nas rochas.

O mesmo **Isidro Parga Pondal**, ilustre persoeiro da vila e fundador de Laboratorio Xeolóxico de Laxe, gravou o seu nome no ano 1917 xunto co de outros moitos que visitaron o lugar posteriormente, hasta os nosos días. A **Furna da Escuma**, pola súa banda, recibe este nome pola gran cantidade de escuma que alí se deposita arrastrada pola corrente nos días de baixa mar. Constitúe unha gran masa branca homoxénea que se ve bater contra os cantís facendo dela un espectáculo curioso e ó mesmo tempo inusual.



Concello de Laxe

